

Pɔl e lɛl krɛkrɛ ek'awɲ Timote

Ów ek'it eke wɛl k'uw any

Timote el Lisr baɲn iy. Lisr el Likaoni wus af ec'eb (Ob Kok 14.6). Yefenyina em a, Likaoni anɲ Turki em. Timote es a Grɛk iy, etɲ lis el Jwif. Pɔl e juma eke kok Lisr baɲn a anake ɔɲ Timote, lis Enis lele la Lois ab itɲn erm em el Es Kɔtɔkɔ ec'a. Sica eke Pɔl im toɲ bake ewl meny ow Lisr a, Timote elum'n abu Es Kɔtɔkɔ eci juma kok ab em (Ob Kok 16.1-3).

Lɛl na em, s'am ekn eke Pɔl igb Efes ek'el Azi wus af ec'eb ab em, im Maseduan wus af. Gbɛkɔ in ec'im em a, l'ew Timote es Efes eke li k'edɲn low yegm esel ayadɲu a juma kok (nuɲ 1 toɲ nuɲ 3). Pɔl nɔn lɛl na eke k'atr Timote sos es, ke n'úm ow ów Nyamel e juma eke ow am kok ab af.

Nuɲ 1, nuɲ 4 lele nuɲ 6 em a, Pɔl am dad agɲ a eke am yegm ów yadɲ, ke am igɲ low yegm nawre a elu es a ec'odad. -Li bi yegm agɲ low yadɲ em Nyam ec'ol a lele ɔmn eke wɛl b'ɔny Jesu em ab ab af. Nuɲ 2 em a, Pɔl ibrm eke kretienel a kí ɲɔɲɲ Nyam etɲ li yegm wɛl low Nyam ɲɔɲɲ af. Nuɲ 3 em a, li dad idr esel ec'eled eke k'aan es a. Nuɲ 4.7 toɲ nuɲ 6.21 em a, Pɔl am atr Timote sos es eke in e juma kok ab em, li k'ɔb Amani Mamm a e kokoba. N'am dad ow elɛl eke ow ki kokr, ke ow ɔtu am ɔsu Nyamel ec'agɲ abu abu a, ese elɛl eke Jesu Krist e jam us es mamm bi kok ab af a. Lɛl a ec'uwr em a, Pɔl am atr Timote sos es eke ow k'ogɲ ɔmn em eci mum mamm a.

Esɲn

1 ¹Em Pɔl, Jesu Krist ec'erm es, Nyam ey e Sɔg Es lele Jesu Krist ey ec'ɔmn ob ab ec'abusu em, m'am awɲ'ɲ lɛl na. ²ɲ Timote eke anɲ ese em ec'iy lokm tasi af ɔmn em, ke Nyam Es lele Jesu Krist ey e Kɔtɔkɔ ab éɲɲ'ɲ ɔwɔ, ɔny ɲ e sɔɲɲ ikɲ ke ɔɲ'ɲ erm es ey.

Erm ew low yegm esel ayadɲu e lís

³Eke m'aam Maseduan a, m'ijl'ɲ neny eke k'anɲ Efes, yec'etɲ ke agɲ a ek'am yegm agɲ ów yadɲ a, éɲɲn el ke -li ki kokmn ij. ⁴Dàd el -li wal ów a ek'agɲ el obi ɔkn dad lɛl el lagɲel e mew ec'es ɔɲɲm owi e low a -l'elu

es,[†] ow es atar cɛ ow b'is, ow eluam Nyam ec'es eb elu e low a eke bɛbm ew es, ke wɛl uw any ɔmn em a abu.

⁵Low na eke b'ow dad a, b'ow ɔŋ el ec'erur a agb: erur eke b'anŋ erm lala em ow, tutr mamn em lel ɔmn tasi em ab a. ⁶Agŋ bɛb igŋ ejagb na elu es etŋ irm sodad ek'ɔnym any e dad em. ⁷-Li b'ocr el sosi esɛ Nyam ec'ol a ec'any uw esel tasi af, gbɛkɔ -l'irimn el obi e sodad eke -n'am dad a, etŋ ów a ek'ow sosiem -li b'atar ów es a yeji -l'irimn.

⁸S'uw any eke Nyam ec'ol a el ob mamn, eke wel uw any kok ow e low ek'it a. ⁹Wel ɔkn eke wel ewm ol agŋ eke bi kok ów amamn a eci; kɔ ów eŋuŋ esel lel agŋ ek'ɛluam ol ab ab sosiem wel b'ew ol, esɛ: molokm eŋuŋ esel, sikpl esel, agŋ ek'ɛluam Nyam lel ob ek'el lala ab ab, agŋ eke b'ibi el esel oglog el lisel lel agŋ ibiu fɛŋ ab. ¹⁰Emeny wel b'ew ol agŋ eke b'ij nfaci a eci, egŋ eke b'erum el lawlel egŋ ab, agŋ eke b'ɔl madu ij, ayadŋu, agŋ eke b'ij danŋu yadŋ em lel agŋ fɛŋ eke bi kok ów ek'elm low yegm nawrɛ tasi ab ab eci. ¹¹Low yegm ikŋ na anŋ Amani Mamn a eke b'ɔŋ ey s'uw Nyam ec'anygbel ab any ab em. Eɛ, Nyam eke el ehe fɛŋ eci nuŋ a anake abul'm Amani Mamn na a.

Pɔl am ɔŋ Jesu Krist bia

¹²M'am elu Jesu Krist ey Es Kɔtɔkɔ eke ɔŋ'm lɛc, em e juma kok ec'a bia. M'am elu'l bia eke n'ɔny ɔmn em em, ke l'esŋ'm in e juma ab em, ¹³eke lɛgŋ ek'ɛc ab em, mi dad in e lís ec'ów eŋuŋ, m'ijr'r gbɛ etŋ mi wɛwr'r yeji. Gbɛkɔ Nyam ɔny em e ɔɔŋ ikŋ, anŋke m'ɔnym ɔmn in em etŋ m'uwm low eke m'am kok ab any.[†] ¹⁴Ey Es Kɔtɔkɔ edŋ'm ɔwrɔ kɔkɔ, etŋ n'ɔŋ'm ɔmn lel erur eke b'anŋ Jesu Krist em ow ab ab. ¹⁵Kin odad nawrɛ tasi ek'it ek'agŋ a fɛŋ k'eb: Jesu Krist ow wus na af sikpl esel fɛŋ e ɔɔg eci. M'el el em e ligbel tasi, ¹⁶gbɛkɔ ow sosiem anake Nyam ɔny em e ɔɔŋ ikŋ a: l'erur eke Jesu Krist k'ɛcr em eke m'el sikpl esel ab em e ligbel tasi a yegm in e low eku eke n'ɔny, ke ow él sɛwl agŋ a eke lɛgŋ anym em b'ow ub'r nawrɛ, ke b'ow eŋŋ sel ek'ɔnym nuŋ a eci.

¹⁷Sos usr lele anygbel ab él Eb ebu a ek'anŋ sɛgŋ fɛŋ,
 ɔnym uw,
 wel éknm
 ke el Nyam nyam coco a eci! Amen.

¹⁸Em jim Timote m'am abul'ŋ low yegm na, esɛ elɛl eke ŋ e Nyamel ab em e **kokoba** ɔb esel ikŋ anym dad ew es ŋ e lís ab af. Ke sodad amua átr'ŋ sos es ɔŋ ogŋ mum mamn a, ¹⁹ŋ ec'ɔmn a lele ŋ e tutr mamn ab

[†] 1.4 el lagŋel e mew ec'es ɔŋŋm owi: ów eke agŋ el obi k'ɔkn a lele el lagŋel e mew ec'es ɔŋŋm owi ab ab el nawrɛ em a, Nuŋ ɔb nuŋ 4 toŋ nuŋ 11 em eci ów a eke anŋ a, (esɛ agŋ lagŋel e mew ec'es ɔŋŋm lele Noe e mij gbɛl a e low ab ab) eke agŋ ot yiyibr ów toŋ ke ow ewl el yadŋ owi a. [†] 1.13 Ob Kok 8.3; 9.4-5.

ab em. Agɲ nyam nyam eɲɲm ɔsum el e tutr mamn a, ow ɔɲ -l'irmn el ec'ɔmn a. ²⁰Agɲ ab em Imene lele Alesandr ab yeji anɲ; m'ot m'ok el **Satan** abu em[†] yec'etɲ ke legɲ ejeci -li k'ɔbrmn Nyam any.

Elel eke wɛl ki ɲɔɲɲ Nyam

2 ¹Low krekre eke m'am dad eke wɛl ki kok agɲ fɛɲ ec'a el: ke wɛl ɲɔɲɲ Nyam fbrm'n low, kók ɔɔɲ ke ɛlu'l bia. ²Ow it eke wɛl ki ɲɔɲɲ Nyam ɔɲ ɛb ebɛ fɛɲ lel agɲ fɛɲ ek'ɔnym es ɛw ab a, yec'etɲ ke s'ɔtu s'ir eb ek'erm mij anm em, erm es ey em, sos us em, Nyam ec'es ucu ɔny tasi em. ³Na anake akpl ke el ɔɔɔ Nyam ey e Sɔg ɛs, ⁴eke b'erur ek'agɲ fɛɲ k'ɛɲɲ sel,[†] ke ɔtu uw low nɛnyembri nyam any a.

⁵Tasi em a Nyam nyam cɛ anɲ,
etɲ in lel agɲ ab ec'araɲɲ a yeji eɲɲ nyam cɛ anɲ,
eɲɲ a in l'el Jesu Krist

⁶ek'ocr in sosi ɛw awoba agɲ a fɛɲ e ɔg eci.[†]

Ek'ow e legɲ a ow a, l'elu ɔkm li yɛgm eke Nyam erur ek'agɲ fɛɲ k'ɛɲɲ sel. ⁷Na sosiem anake Nyam ɛw'm lebl elu es lel **erm** es ab, ke mi yɛgm agɲ ek'elm Jwifel yec'eke el ɔmn lele low nɛnyembri nyam ab a. M'ɔnym yadɲ, low nɛnyembri nyam m'am dad.

Elel eke wɛl ki ɲɔɲɲ Nyam dedeku em

⁸M'erur ek'usu fɛɲ, eɲɲ ki gbigbl sabu ogɲ afr ɲɔɲɲ Nyam, gbɛkɔ Nyam ɲɔɲɲ a ɛl erm lala em, erm ek'erm bebl lel ów es atar ab anm em. ⁹M'erur yej'eke ɔɔɔw ki s'us mob ek'it, mob frafra cɛ, ke ow k'elm low agbr em; ke -li ki kokmn sin ek'agɲ k'ekn el, -li k'okmn sika em miyob, miyob ac lele mob sus em eke b'il an ɔɔɔ ab,[†] ¹⁰kɔ ke el e sakpl a ɛl ów amamn e kok, ɛsɛ lelel ek'ow it ek'ɔɔɔw eke bi dad ɛsɛ el b'elum Nyam a, ki kok ab af. ¹¹Ow it ek'ɔɔɔw k'ok es tiɲ iri low yɛgm a, elum ligbel em. ¹²M'elum abusu es eke ɔɔw ki yɛgm igɲ low oglog ɛw igɲ es; ow it eke li ki yewal tiɲ. ¹³Tasi em a, Adam anake Nyam ikɲ anym kok a, etɲ ow e jam a li kok ɛv. ¹⁴Etɲ emeny, ow elm Adam yebm wɛl ejum'n, kɔ ɔɔw yeb wɛl eju'r etɲ eluam Nyam ec'odad ebl a.[†] ¹⁵ɛben yeji, Nyam b'ow ɔɔg'r in ec'ey eke li b'ow l'ew ab em,[†] gbɛkɔ ow it eke li k'ɔny ɔmn, erur, ke l'ir eb eke elm low agbr em ke b'akpl Nyam sos em.

[†] **1.20** *m'ot m'ok el Satan abu em*: odad na anake wɛl ɔny ɛwl meny 1 Korɛnt 5.5 em, ke am yɛgm ek'ɛɲɲ kok low ɲɔɲ a, wɛl b'ogɲ'n Nyam nuɲ igɲ esɛl a ec'araɲɲ, wɛl ɛw'r saw legɲ tel eci eke li k'itɲɲ, ów a eke li kok a sosiem. Sica, ek'ɛɲɲ ikɲ na anm Nyamel em ij a, ke Satan eke ɔnym wus ab a, ec'ów em l'ɛwl n'anɲ a (Jan 12.31; 16.11; Efes 2.2). [†] **2.4** Ezekiel 18.23. [†] **2.6** Matie 20.28. [†] **2.9** Bèbm 1 Pier 3.3. [†] **2.14** *akr 13-14* ɛ̀kn Nuɲ ɔb 2.7, 21-22; 3.1-6. [†] **2.15** *Nyam b'ow ɔɔg'r in ec'ey eke li b'ow l'ew ab em*: aɲa Pɔl erur eke ki yɛgm ɔw eci low tasi eke Nyam erur eke k'abul a. Etɲ emeny l'erur eke li k'ɔny agɲ beb eci tutr a eke el ɔw ec'igɲ ebim owi a, l'oc es.

Nyamel idr esel ec'ów om

3 ¹Kin odad nawre tasi: eke egñ nyam erur eke k'el Nyamel ec'idr es, ke juma senyn l'erur a. ²Ow akpl eke Nyamel ec'idr es k'el egñ ek'abr enym anm lís; yow nyam ec'igñ,† egñ eke b'ok sos es low em, ke b'onny any es ok. Ke n'onny es an mamn, l'él egñ eke b'eb etu, ke wtu eke ki yegm agñ low. ³Li k'élm mar egñu, li k'onnym gangan, ko l'él frɔɔ lel erm es eyr es ab. Li k'élm egñ e b'erur os owi, ⁴ko l'él egñ ek'wtu eke ki nyimn in obi ec'akñ a, egñ ek'in ec'ey a b'onny in ec'elum. ⁵Tasi em a, ek'egñ nyam wtum nyimnm in obi ec'akñ a, ayaf l'wtu eke li ki nyimn Nyamel ee? ⁶Li k'él egñ ek'itññ erm em owr owr; ek'ow el egñ ebén, li b'ow l'eb sos ew abu em etñ li b'ow n'onny es abur ese **agn** ec'ab af. ⁷Ow it yeji ek'agñ ek'ubm Krist nawre a k'elum'n, yec'etñ ke li k'onnym cak, ke li k'éym agñ e simeb e b'uk ab em.†

Nyamel em eci diakrel ec'ów om

⁸Diakrel yeji it ek'el agñ eke k'us sos, ke onny nenymbri nyam yeji; ow itm eke -li k'egñ mar nɔnɔ, -l'ól yadh em eci os onny es; ⁹ke -l'ucu low nawre ek'éy wkm Krist ec'omn e -n'onny ab em a -n'onny es tutr lala em. ¹⁰Ow it ke wel íkñ anym ebm el ekñ; ek'ow e jam a wel eknm low wbr el e lís a, ke sica -li kok juma ese diakrel af gñ. ¹¹Oyow eke el diakrel a† yeji it eke k'el agñ eke k'us sos. Ow itm eke -li ki dad el lawlel e lís ec'odad egñ; ow it ke -n'onny any es ok, ke -li kok cecé low low feñ em. ¹²Ow it eke diakr k'el yow nyam ec'igñ, ke n'onny abusu eke li ki nyimn in ec'ey a, lel in ec'akñ a nimum ab mewl em. ¹³Diakrel eke bi kok el e juma mewl em a, agñ a feñ b'ow usr el sos etñ -li b'ow -n'onny lokm susu ligbel omn a ek'onny okr ey af Krist ab ab em.

Low e lol es ke ey wkm

¹⁴M'am awñññ lel na, ko m'am tutr eke mi k'ow m'ekn'ñ legñ tel em. ¹⁵Gbeko eke mi k'owm, b'ow ekñ elel eke k'aan es Nyam e bosu ab em lel na e m'am awñññ ab em. Nyam e bosu a el Nyam ek'anñ owr ec'agñ a, ek'ucu low nawre onny es a. ¹⁶Tasi, low a e lol es ke ey wkm ey ec'omn ab em a agb nɔnɔ! Low a el:

Krist ey wkm ese egñ af,
Abñ Lala elu'l wkm ese egñ nyim nyim af
etñ **afr** erm esel ekñ'n.†

† **3.2** yow nyam ec'igñ: odad na Grék em wel wtu eke k'itññ ejec'em dad ese: *ke ow él akp nyam ce li k'ebi yow.* † **3.7** akr 2-7 bèbmñ Tit 1.6-9. † **3.11** Oyow eke el diakrel a: odad na Grék em a wel wtu eke k'itññ ejec'em dad ese *diakrel ec'oyow a yeji...* † **3.16** Rom 1.4; 1 Pier 3.18: *afr erm esel ekñ'n*: bèbmñ 1 Pier 1.12.

Wêl ɔb in ec'amani ok sêbr ejeci ec'agɔ a,
 etɔ agɔ nɔnɔ ub'r nawre wus af aɔa,
 etɔ n'im afr anygbel em.

Agɔ eke b'oc ów yadɔ yegmɔ agɔ low

4 ¹Abɔ Lala dad erum mar nine: sɛgɔ es abal el em a, agɔ beb b'ow igɔ el ec'omn a elu es, ke ús sow tutr yadɔ lele low yegm eke b'anɔ abɔ eɔɔɔ em ow a jam. ²Agɔ enyembri yony yony esel lel ayadɔ ab b'ow irmn el. Agɔ amua, el agɔ eke Nyam owi am dadm low kaka, ke el e sow tutr a anɔ esɛ ob eke wêl oc lowi gbagba ewr mɛny af.† ³Agɔ amua el eci low yegm ab em b'ow dad ek'ow itm ek'agɔ k'ebirir, -li b'ow -l'edɔɔn mob beb eke wêl b'ij a. Kɔ Nyam kok ob ij amua yec'etɔ ke agɔ a ek'ub nawre, ke uw low nawre any a, ɔɔ'n bia ke ij. ⁴Ob fɛɔ eke Nyam kok a akpl;† kaka anm em eke wêl k'igɔ elu es, gbekɔ b'eb a k'ɔpim eke k'elu Nyam bia, ⁵anɔke Nyam odad lele Nyam ɔɔɔn ab b'ɔɔ ob fɛɔ el nimamɔ Nyam ec'any af.

Él Krist e juma kok es mamn

⁶Eke b'oc low yegm na elu ɔkm agɔ lisijimel em, b'ow el Jesu Krist e juma kok es mamn, etɔ b'ow yegm ek'omn e sodad ebl a lele low yegm tasi a ek'ɛɔn Abɔ em a, b'iy'r'ɔ lok. ⁷Gbekɔ igɔ sawl odad eke low kaka anm em ke ókrm af ɔmn ab a elu es, ke ɔtur sos akɔm Nyam ab ɔ ec'eb ir em. ⁸Sos ɔtur sos megl af ec'a el low akplu, kɔ low tel em cɛ. Kɔ Nyam ec'akɔm ab a el low ek'akpl low fɛɔ em, anɔke ow b'ɔɔ ey s'ir eb Nyam ab yefenyɔna em etɔ ow b'ewar ey lɛgɔ anym em ec'eb ir a. ⁹Na el odad ebl tasi ek'it eke agɔ fɛɔ k'ɛgɔ eb. ¹⁰Tasi em a, s'am ij gbɛ si kok juma etɔ s'am atr sos es, anɔke s'oc ey e low ɔmn s'elu Nyam ek'anɔ owr ke el agɔ fɛɔ e Sɔg Es ab em, ab brobro agɔ a ek'ub nawre a. ¹¹Kin ów eke kí dad ke yégm agɔ.

¹²Ki yeb ɛgɔ kaka k'iir'ɔ es anɔke el ɔgbafɛli sosiem; kɔ èl agɔ ek'ub nawre a e sewl: ɔ e sodad ebl em, es an em, erur em, ɔmn em lele ɔ e lala el tasi em ab. ¹³Gbuɔ ke m'ow a, àt any awl Nyam e Silel a dedeku ec'any af, ɔm el ów ke yégm el low. ¹⁴K'ijl Nyam ec'ob ap a ek'ɔny anɔ'ɔ em ab es, yec'a ek'ɛɔn lɛgɔ a eke ɔ e Nyamel ab em e **kokoba** ɔb esel dad ow e low, ke **agɔ** ekpekp a at'ɔ abu nuɔ a. ¹⁵Àt any kok ów amua fɛɔ, òcr ɔ sosi nimum elu juma eke wêl abul'ɔ ab em, yec'etɔ ke agɔ a fɛɔ ékn ɔ ec'anym imn a. ¹⁶Ósur ɔ sosi lele ɔ e low yegm ab ab. Ìnym es kikri ow af. Tasi em a, eke bi kok ɛben, b'ow ebr ɔ sosi elu es etɔ b'ow eb agɔ a eke b'iri ɔ e sodad a yeji.

† 4.2 wêl oc lowi gbagba ewr mɛny: el low ek'anɔ wêl bi kok lɛgɔ anym em a ów eɔɔɔ kok esel lele madu e b'uru es ab ab. Ob eke wêl b'oc lowi gbagba at a, el ob eke b'itr, ob eke b'uw. † 4.4 Bèbmɔ Nuɔ ɔb 1.31.

Ów eke Timote k'óm kretienel a feŋ

5 ¹Eke anŋ eŋŋ likpekɔ ab, kì dad'r odad læc em, kɔ ɔm'n ów lebl es ok em esɛ asɲ† cɛ ow'n el af. Òc ŋgbafɛ oto esɛ esɲ jimɛl af, ²ɔɔɔw ekpekɔ esɛ esɲɛl af, ededyɔw oto esɛ esɲ ɔwɛl af erm lala tasi em.

Eŋnyɔw eke ɔnym agɲ a

³Èw eŋnyɔw ek'onym agɲ a e low any. ⁴Gbekɔ eke iŋnyɔw nyam ɔny ey oglog alaw ek'ɔtu eke ki kok in e lís e low a, ke -li wewr -l'ɛlu el ec'ɔmn a ɔkm el obi ec'akɲ a e lís, ke ow ɔŋ -l'ɔwr el ec'agɲ a ec'ów eke kok ɔŋ el a, aŋke ow el low eke Nyam erur. ⁵Iŋnyɔw ek'onym eŋŋ kaka eke ki kok in e lís e low a, oc in ec'ɔmn a ew Nyam af, etɲ li bi ɔŋɲ Nyam ncok lele læŋŋ owr ab l'ibrm ow abu elum. ⁶Gbekɔ iŋnyɔw eke b'us in ec'ów aw owi jam a, abɲ em a l'uw ŋ, eke n'anŋ owr sos meŋl em ɔɔɔɔ yɛji. ⁷Low na anake it eke k'ɔkn el a, yec'etɲ ke wɛl k'éŋnm abr enym owi el e lís. ⁸Eke eŋŋ nyam éwm in ec'agɲ e lís e low any, ab brobro in obi ec'akɲ ec'agɲ a, l'ɛgr in ec'ɔmn a etɲ n'uŋ l'akm eŋŋ ek'ubm Krist nawre a.

⁹Gbuɲ ke n'ón iŋnyɔw nyam e nin eŋnyɔw e lel ab em a, ow it eke li k'ony akpo ekɲ nyahan. Ke l'él ɔw ek'ony igɲ akp nyam cɛ,† ¹⁰ke wɛl úw'r any in ec'ów amamn kok em, ke l'él ɔw eke gbagbl in ec'ey a mɛwl em, ɔny erm mamn etu ec'eb em, ɔŋ agɲ ek'ub Krist nawre a mij ɔɔɔɔ akr es,† atm gbɛ esɛl abu ke kok ów amamn ɔɔɔɔ gbɛl.

¹¹Eŋnyɔw ek'anŋ ŋgbafɛ a, k'èlu el nin lel ab em, aŋke igɲ ebi owi b'ow el nuɲ em a, -li b'igɲ Krist -l'ɛlu es, ¹²etɲ ow b'ɔŋ el -n'ony jej ok aŋke -l'irmn el e krēkre e neny ij a ow e lís. ¹³Ètɲ emeny, eke -n'onym low kaka eke -li ki kok a, -li b'eb akɲ akɲ ec'ec abu em; etɲ yec'eke akplm tasi a el ke -n'am cacak agɲ, -n'am dad ów ek'otm el es, -n'am bebar nenyum low feŋ em. ¹⁴Na sosiem m'erur ek'eŋnyɔw ŋgbafɛ a k'ɛwl ebi eŋŋ, ew ey, ke nyímm el ec'akɲ a mɛwl em, yec'etɲ ke -li k'ɔɔmn ey ec'efnu a abusu dadm ey ów eŋŋ. ¹⁵Tasi em a, eŋnyɔw ab em nyam nyam ŋgboŋ ejagb nyim nyim ab af, am us **Satan** jam. ¹⁶Eke nawre ub lis nyam ec'agɲ ab em eŋnyɔw anŋ, ow it eke li k'elum wɛl abu, ke li k'igɲm l'elum wɛl es eke Nyamel k'ekn el e lís owi. Ke ow ɔŋ Nyamel ɔtu elum eŋnyɔw ek'anŋ el ɔny a abu.

† 5.1 Ob Ap 19.32. † 5.9 Eŋnyɔw a ek'it eke Nyamel k'elum abu a ec'en b'anŋ lel ab em. Ke l'él ɔw ek'ony igɲ nyam cɛ: odad na Grek em a wɛl ɔtu eke k'itŋn ejeci em dad esɛ: l'él ɔw ek'ony neny nyam in ec'igɲ a e lís. Bèbm 1 Timote 3.2 lele ow ec'akr otar ab ab † 5.10 mij ɔɔɔɔ akr es: mij eke wɛl b'ɔŋ utu oglog etu agɲ ɔɔɔɔ akr es a, el low ek'ucur Jwifɛl ogɲ ec'etu eb a (Luk 7.44). Gbekɔ aŋa, Bibl any uw esɛl b'ekn low na erɲ yony: esɛ low eke ɔw mamn bi kok agɲ lisijimɛl e lís af oglog esɛ ów amamn feŋ eke li bi kok n'ɔŋ agɲ lisijimɛl ab af.

Nyamel nyimn esel ec'ów om

¹⁷Agñ ekpekp a eke bi nyimn Nyamel mawl em a it eke k'ègn labm sɔg yony,[†] ab brobro el a eke b'ij gbre dad Nyam odad, ke bi yegm agñ low a. ¹⁸Low tasi eke Nyam Lel dad a el: *K'ow ocmn meb onynmn id eke wel ucu meb am kkn may es a neny es*, etj: *Juma kok es it eke k'ègn in e labm sɔg*.[†] ¹⁹Eke wel oc egñ likpekp nyam eke wel am ok ów af ow η ec'any af, k'ègn ow e low k'eb, eke irim adanjku yony oglog nyahan e nenyum.[†] ²⁰Agñ yec'eke kok sikpl owi a, ènym el abr dedeku a nimum ec'any af, yec'etj ke agñ likpr a úru low.

²¹Kin low yec'eke m'am ibrm'η tasi em Nyam ec'any af, Jesu Krist ec'any af lele afr erm esel eke Nyam sɔsum ot ab ab ec'any af: èlum ów amua ke ow k'elm enyembri yony yony em, ke k'ánm egñ kaka jam. ²²K'ògn es k'at egñ abu nuñ k'abul il juma Nyamel em. K'èlu abu awlhel e sikpl owi em; η obi a ànñ lala.

²³K'ègn mij sɔny coco cɛ, kɔ ègn mar tɛl η eci lokm a sosiem, anke ɔl ówm'η ɔny. ²⁴Agñ beb e sikpl a b'eru es kpata wel èkn gbuñ eke wel ki jej el e low ok a, kɔ agñ likpr ec'a, jej ok a b'uwr gbuñ etj wel b'èkn el e sikpl a. ²⁵Ów amamn yeji wel b'èkn el kpata, etj el a eke wel éknm kpekñ a yeji ánm es lɔl em ibnm.

Madu lel el eci es ew esel ab ab ec'ów om

6 ¹Agñ a fɛñ eke el madu a it eke k'ony elum nɔnɔ ligbel el eci es ew esel a e lís, yec'etj ke egñ kaka kí dadm low ηuñ okm Nyam e nin a lel ey e low yegm ab ab af. ²Madu a eke ɔny es ew esel eke el nawre ub esel a, wel el el lisijimel. Ès nawre! Gbèkɔ ow elm na sosiem -li k'òbrmn wel any. Tasi em a, wel e lís owi anake it eke -li ki kok tasi a, anke agñ a eke -n'am kok juma -n'ɔñ a, el ɔmn esel eke Nyam erur.[†]

Low yegm yadñ lel ob ɔny tasi ab

Kin low ek'it eke ki yegm agñ ke óñ el -li kok a. ³Ek'egñ nyam am yegm agñ low ejeci etj n'am igñ ey Ès Kɔtɔkɔ Jesu Krist e sodad tasi a lele low yegm a eke el ey ec'ómnn ec'ab ab l'èlu es, ⁴ke l'el egñ eke es efu iy em gbɔñ etj l'uwm low kaka any. L'el egñ e b'erur ów es atar owi ke b'ogñ mum odad ebl sosiem. Yogñ em ec'ów eke b'anñ ow a el: nyamn eyr, ów esu, egñ wewr, sow tutr yadñ egñ e lís, ⁵lel ów es atar eke úwrm, ke b'anñ agñ eke nuñ em okm es, ke irmn low nenyembri nyam e dad a ec'arañ. -Li bi tutr ek'ómnn eke wel b'ony Nyam em a el ebr eke wel b'eb ɔny ob af.

[†] 5.17 *it eke k'ègn labm sɔg yony*: odad na Grèk em a wel ɔtu eke k'itñ ejec'em dad esc:

wel ɔñ el any akm el lawlèl a. † 5.18 Ol ɔkn 25.4 lele 1 Korènt 9.9; Matie 10.10; Luk 10.7.

† 5.19 Ol ɔkn 19.15. † 6.2 Bèbmnn Kolɔs 3.22-25.

⁶Tasi, òmn eke wèl b'òny Nyam em a el ob òny ligbèl, eke wèl b'ègny yec'a cè eke wèl òny a eb. ⁷Tasi em a, s'isam ob kaka ab wus na af etj si k'ow s'òtum s'èwlam ob kaka ab. ⁸Na sòsiem eke s'òny ob ij lele mob sus em ab cè, ke ow òny ey ñ. ⁹Agny eke b'erur eke k'òny ob a, b'ey meju owi em etj low aw òkòk lele low nyj ab b'ògny el meb etj b'òny ok el wus nyj el. ¹⁰Tasi em a os ec'erur anake el ów enj fèj e min a. Agny beb ec'a, os a ec'òny e low aw afnj el es tonj etj -li kpab es òmn e lís etj -l'ijr el ec'erm a gbre ow sòsiem.

Òmn em e mum mamn ec'ògny

¹¹Gbèkò ñ eke el Nyam ec'ègny a, àru ów amua fèj egb es. Ìl neny nyam ij es, ùcu Nyam òny es, ir eb òmn em, erur em, low eku em lele fròkò el em ab. ¹²Ògny òmn em e mum mamn a, ùcu sel ek'ònym uwr a òny es anjke Nyam ènjnj eke k'uw sel ènj ikj na any, lègny a ek'agny òkòk ec'any af ij ñ ec'òmn tasi ek'òny e danjku a. ¹³M'am ijl'ny neny Nyam eke b'òny ob fèj sel ec'any af lele Jesu Krist ek'ij òmn tasi e n'òny a e danjku Pòns Pilat† ec'any af a e nin em. ¹⁴Èlum ów a eke mi dad'ny a, òsu ów a lala em ek'abr ènym k'ann em tonj bake ignj lègny a ek'ey Ès Kòtòkò Jesu Krist b'ow ewl ow a. ¹⁵Ègny a eke b'ow òny Krist ewl ow lègny a eke li bebm l'ew es a el Nyam.

L'el ehe e nuj lel ob fèj ec'es ew es ab,
èb ebu em ec'Èb ebu lele kòtòkò el em e Kòtòkò† ab.

¹⁶In cè li k'òtum l'uwm.

L'ir usuayl usu ek'ègny k'òtum titam.

Ègny kaka èknm'n etj emeny ègny kaka k'òtum èknm'n.

Sos usr lele abusu ab él in eci segny fèj! Amen.

Egbrenjbi ec'ów òm

¹⁷Dàd wus na af ec'egbrenjbi a, -li k'èwr sos, -li k'ocr el ec'òmn a -li k'èwr ob òny na eke b'uw ab af, kò -l'oc el ec'òmn a -l'elu Nyam em, in eke li b'òny ey ob fèj erm mamn em ey e low kok ec'a. ¹⁸Dàd el -li kok ów amamn, -l'ij gbrenjbi ów amamn kok em, -l'el èrm mamnu ke -l'el agny eke bi cèc ob el lawlèl ab. ¹⁹Eke -li bi kok èben, -li b'ow -l'as ob òny mamn ek'ònym uwr a luku lègny anym em eci, yec'ètj ke -n'ènjn owr anj nawre tasi a.

Ów òm es abal el

²⁰Libòwi Timote, òsu mèwl em yec'a eke Nyam abul'ny a. Àru nenym ot eke low kaka anm em, ke ókrm af òmn ab a lele sodad ek'agny b'ub nuj em òny e sodad a egb es. ²¹Tasi em a, agny beb ij neny dad eke el òny nuj em òny ikj na etj -li kpab es òmn e lís.

Ke Nyam ec'òwrò a ànjny òny ab.

† 6.13 Jan 18.36-37; 19.11. † 6.15 Ol Òkn 10.17; Selu 136.3.